

Հ. ԻՅՈՒՐԻՔՆՈՒԹՅԱՆ

ՀԻՏԼԵՐԻ «ԻՄ ՊԱՅՔԱՐԸ» ՈՐՊԵՍ ՖԱՇԻՍՏ ՄԱՐԴԱԿԵՐՆԵՐԻ
ԳՈՐԾՈՂՈՒԹՅԱՆ ՁԵՌՆԱՐԿ

Հունիսի 22-ին գերմանական ֆաշիզմի հորդաները պատերազմական գործողություններ սկսեցին մեր մեծ հայրենիքի սրբազան սահմանները պաշտպանող հերոսական Կարմիր Բանակի դեմ:

Բացառիկ նենգությունով, արտակարգ լկտիությունով խախտելով մեր երկրի հետ կնքած իրար վրա չհարձակվելու պայմանագիրը՝ ֆաշիստական կլիկը վերցրեց ժամանակավորապես հագած իր դիմակը և նորից երևան հանեց իր էությունը՝ ամբողջ գարշելիությունը: Ֆաշիստական ագիտացիայի և պրոպագանդայի սիրած պրիոմներն ավելի խոշոր չափերով, ավելի զազրելիորեն սկսեցին կիրառվել: Իրենց անսքող բանդիտային արարքը համաշխարհային հասարակական կարծիքի և գերմանական խաբված ժողովրդի առաջ արդարացնելու նպատակով՝ Հիտլերը և Ռիբենտրոպը հանդես եկան գեկլաբացիաներով, որոնք ամբողջովին լի են խարդախություններով ու ստախոսությամբ, զրպարտություններով ու տմարդություններով:

Ո՞վ է ձեռք բարձրացրել մեր երկրի վրա, ո՞վ է ցանկանում զրկել մեզ մեր աղատությունից, ի՞նչ նպատակներ է հետապնդում, ի՞նչ ծրագիր է ուղղում իրականացնել գերմանական ֆաշիզմը: Գուցե և ավերորդ է այս հարցադրումը և նրա պատասխանը, քանի որ ֆաշիստական պրակտիկան սպառնիչ նյութ է մատակարարում նրա բնույթն ու էությունն ըմբռնելու համար: Սակայն չպետք է մոռանալ, որ ֆաշիստ բորենիներն իրենց բարբարոսություններն արդարացնելու, պաճառաբանելու նպատակով, շատ են սիրում ճամարտակել իրենց ինչ-որ «իդեալների» մասին, իրենց ստեղծած ու ստեղծելիք ինչ-որ «կուլտուրայի» մասին: Հարկավոր է ցույց տալ, թե ի՞նչ «թեորիական» բազաժով, ի՞նչ բարոյական չափանիշներով են հանդես գալիս գերմանական իմպերիալիզմի մոլենհախիչները, ի՞նչ «կուլտուրական» արժեքներ են առաջադրում և ի՞նչ մեթոդներով «աշխատում»: Այդ տեսակետից չափազանց բնորոշ է ֆաշիստական «ավետարանը»: Ֆաշիստների կողմից Գերմանիայի «առաջնորդ» հայտարարված Հիտլերը — որպիսի՞ ծաղր ու հեգնանք գերմանական ժողովրդի հասցեին — 1924 թվին գրում է «Իմ պայքարը» հորջորջված՝ վայրագություն ու բանդիտիզմի կլասիկ ձևերով հանդիսացող գիրքը: Այս գրքի մեջ արտահայտված են ֆաշիստական մտքի «ամենանվիրական արժեքները», նրա առաջադրած ծրագիրը, նրա սոցիալական նպատակները և նրանք իրագործելու մեթոդներն ու պայմանները:

Ֆաշիզմը մարդակերության ուսմունք է, սակայն ֆաշիստներին բոլոր պարագաներում հնարավոր չէ մերկացած հանդես գալ: Նայած տեղին և ժամանակին, մոմենտի հետապնդած նպատակին, ֆաշիստ «թևորետիկները» և ագրիտատորները հարկադրված են լինում երբեմն դիմելու ամբողջական կան «նուրը» պրիոմների, ծխածածկոց ստեղծելու արվեստին, երբեմն էլ ավելորդ համարելով դիմակավորումը և առանց պատե պատ ընկնելու, որոշակի ձևակերպում են իրենց բանդիտական ձգտումները:

Օրեր-բանդիտ Հիտլերն իր գրքի մեջ դրսևորում է երկու գիծն էլ: Նա հաճախ բողբոլվին մերկապարանոց է, նման է այն վայրենուն, որ իր թշնամիների կտրված գլուխները ձևոններին պարում է խարույկի շուրջը, մեկ էլ ոգնու պես գլուխն իրեն է քաշում և լրջորեն «խորհրդածությունների» մեջ ընկնում և սոցալիական երևույթների «անալիզը» կատարելու անգործ ու ջանք թափում: Սարսափելի տգետ է, հիվանդոտ հավանություններ ունեցող, մեծ անհատ լինելու մարմաջով բռնված այդ ճիվաղը: Ուլտրա-ինդիվիդուալիզմի տրանսի մեջ ընկած, այդ թերուս նորելուկը առաջ է քաշում իր նողկալի «եսը» և սնապարծություն ու մեծության մանիայի վակ-խանալիա սարքում:

Հիտլերի անունն առաջին անգամ լսվում է գերմանական նոյեմբերյան աֆուլուցիայի պարտությունից հետո, այն ժամանակ, երբ սոցիալ-ֆաշիստ էքսերտների և Շալգեմանների թևի տակ ծնունդ առան և մեծացան բազմաթիվ հակառուտուցիոն կազմակերպություններ, որոնց գլխավոր հարվածն ուղղված էր բանվոր դասակարգի դեմ: Ամենից ուժեղ հակառուտուցիան խլրտում էր Մյունխենում, որը գերմանական ռեակցիոն ուժերի կենտրոնը դարձավ, Բավարիայի սովետական իշխանության անկումից հետո:

Ահա այս քաղաքում է, որ Հիտլերն սկսեց իր «գործունեությունը»: Սկզբում նա անդամ էր մի հրոսակախմբի, որը բանվորներ էր սպանում, տեսորեն կազմակերպում: Նա աչքի է ընկնում իր «ընդունակությունների» Բավարական ոստիկանությունը նրան տալիս է ագենտ-պրովակատորի պաշտոն: Տեսնելով նրա «ժրաջանությունը», բավարական ոստիկանական գեներալներն ու զինվորական մարմիններն առաջ են քաշում նրան և հանձնարարում ավելի պատասխանատու «գործեր»: Հիտլերը դառնում է հակառուտուցիայի ագրիտատոր: Նա սկսում է հուշակ ձեռք բերել սուլտե-նյալներ, գողերի, բավարական կուլակների և իր նման բանդիտների, ավան-տյուրիստների շրջանում: Նա ընդարձակում է իր «գործունեության» շրջանակները. և շուտով բազմաթիվ հակառուտուցիոն կազմակերպությունների թվին ավելանում է մի նորը. Հիտլերն իր բանդիտների հետ միասին հիմք է դնում գերմանական ֆաշիստական կամ, ինչպես իրենք են ասում՝ նա-ցիոնալ-սոցիալիստական» կազմակերպության:

Սկզբնական շրջանում Հիտլերի կոնտինգենտն այնքան էլ մեծ չէր, ակնհայտ հակառուտուցիոն տարրերն արդեն ներգրավված էին այլ կազմակերպությունների մեջ. բացի դրանից՝ բուրժուազիան դեռ լայնորեն չէր ծանոթացել ֆաշիստ ջարդարարների «առաքինություններին», դեռ համը չէր առել նորաբույժ կազմակերպության «հոգեպարար» մեթոդների ու պրիոմ-ների:

Ֆաշիստական տառապանք է դիմել այնպիսի միջոցների, որոնցով կարողանալ լայնացնել և ամրապնդել իր սոցիալական պատվանդանը: Այդ բանալիները, որ կատաղի ատելություններ և արհամարհանքով է վերաբերվում դեպի ժողովուրդը, որ սիրում է գործ ունենալ գեներալների և քրեական տիպերի հետ, իր հայացքն ուղղում է դեպի գերմանական ժողովուրդը և չլուրժքը ծեծելով հայտարարում, թե ինքն է միայն նրա շահերի պաշտպանը, նրա մտքերի թարգմանը: Այդ չի խանգարում կատաղած շանը իր քանդիտներին հայտարարելու, որ «ժողովուրդն ստրուկ է, միայն քչերն են կոչված տիրողներ լինելու»:

Գիտակցելով, որ բանվորների մեջ իր հակառակույցի շահակրատանքը այժմի հաջողությունն չի կարող ունենալ, Հիտլերն աչքը տնկում է քաղաքի և գյուղի բուրժուազիայի որոշ շերտերի վրա, չմոռանալով նաև բատրակների հետամնաց հատվածներին և բանվորության ապագասակարգայնացած շերտերին: Նա ձևականորեն փոփոխություն է ենթարկում իր ծրագրի մի քանի կետերը և ձեռնարկում այդ տարրերի համապատասխան «վերամշակումներ»:

Գարեջրատների ամբռնական իր նախկին րացահայտ բանդիտական ագիտացիայի մեջ մտցնում է նոր մոտիվներ: Նա արվեստ է դարձնում ամբռնականությունը և հետևողականորեն զբաղվում ֆաշիստներին հատուկ բարոյական ատրիբուտները — ստախոսությունն ու խարդախությունը, միամիտների աչքին փոշի փչելը և գրգռիչ պրոպագանդան տրամադրություններ առեղծեյր:

Հիտլերը ճանաչում էր իր «նորակոչիկ»-ին — նա ծանոթ էր այդ մանր բուրժուազիայի հոգեբանությանը, նա հասկանում էր, թե ինչով պետք է ներգրավի այդ մարդկանց: Այլ և ձախ խոստումներ սփռելը դառնում է նրա ամբռնականության առանցքը, այդ խոստումներով է նա սկսում բազմացնել իր շարքերը: Առաջին հերթին «վերամշակման» են ենթարկվում Վերսալի դաշնագրից գազազած, պրոլետարական ռևոլյուցիայից հաբեկված, կապիտալի արշավանքից խուճապի մատնված, իրենց վաղեմի բարեկեցությունը կորցրած քաղաքային միջին և մանր բուրժուազիայի նացիոնալիստներն տրամադրված տարրերը:

Երկրորդ հերթին Հիտլերի ամբռնականության օբեկտ են դառնում գյուղական մանր բուրժուազիայի որոշ հատվածներ, որոնք նեղվում և ճնշվում էին բազմաթիվ տնտեսական հարկադրանքներից: Ընկած բանկերի, խոշոր հողատերերի և կուլակների հարվածների տակ, գյուղի այդ խավերը հուսահատորեն էին նայում իրենց ապագայի վրա: Եվ ահա Մյունխենից եկած ագիտատորները «մխիթարում» էին նրանց, հորդորում էին աջակցել իրենց՝ խոստանալով վերացնել նրանց ծանր վիճակը:

Սոցիալ ֆաշիզմի բարեհաճ թուլյությունները Մյունխենի դարչնագույն տանը նստած բանդիտը ժամանակի ընթացքում նկատելի հաջողություններ է ձեռք բերում: Նա արդեն լրջորեն մտածում է իշխանության գլուխն անցնելու և իր հրեշավոր ծրագիրը իրականացնելու մասին: Իր շարժման առաջին էտապից Հիտլերը կապ է ստեղծում ծանր արդյունաբերության, բանակների և հողային մագնատների հետ: Նրան սկսում են հաշվի առնել, չէ՞ որ

նա մի սովորական բանդիտ չէ, նա իր հետեից «մասսա» է տանում, նա ոչնչացնում է ռեյտինգիոն բանվորներին և բացահայտորեն երկրորդ իմպերիալիստական պատերազմ քարոզում: Նրան տալիս են հսկայական դրամական միջոցներ, որ կարողանա ստվարացնել գրոհային ջոկատների անվան տակ իր կազմակերպած անլեգալ կանոնավոր բանակը:

Ի՞նչ «իդեոլոգիական» սնունդ է մատակարարում Ֆաշիստական հրոսակապետը իր «կտակաբանում», մի սնունդ, որը համապատասխան կորբեկտիվների ենթարկած, ժատուցվում է և հետագայում, երբ Ֆաշիստական կլիկի ձեռքն է հանձնվում կոռուպցիոն ղեկը:

Հիտլերը, ինչպես և իր արբանյակները, թեորիա չեն սիրում, թեպետ և մասսային շլացնելու և «մշակելու» համար երբեմն անզոր փորձեր են անում թեորիական մարզանքներ կատարել: Ֆաշիզմը գիտություն ծայրահեղ հակադրությունն է: Ֆաշիստ բանդիտներն ասում են գիտությունը և փախչում նրանից, որպես ժանտախտից:

Ֆաշիստական «գիտությունը» իր անկմանը դիմած բուրժուական մշտայնության ծայրահեղ արտահայտությունն է: Այդ «գիտությունը» հետազոտություն չի կատարում, ճշմարտությունը դրսևորելու ոչ մի սովյալ չունի, նա առաջարկում է դեդաուտոմներ, որոնք զարհուրելի են իրենց ռեակցիոնականությամբ և թունոտ՝ իրենց մարդակեր բովանդակությամբ:

Մտքի ինքնուրույնությունը բնավ էլ հատուկ չէ ֆաշիստ գիշատիչներին, նրանք կերակրվում են ուրիշի սեղանի փշրանքներով, որդեգրելով ամենահետադիմական «թեորիաները» և կուլտուրայի դեմ արշավանք կազմակերպող աշխարհայացքը:

Հիտլերի «Իմ պայքարը» այդ մտայնության կլասիկ օրինակն է: Նրա գիրքն ամբողջովին մարմնավորում է զարեջրատնային «պատմափիլիսոփայությունը», որի լայտմոտիֆներն են՝ գրգռիչ պրոպագանդան, լրբենի զրպարտությունը և խուլիգանական սպառնալիքները. նա ճանաչում է իր առդիտորիան, տեղյակ է նրա պահանջներին:

Որպես գրական գործ՝ սարսափելի, ձանձրալի, տաղտկալի է մտքի աղբ վիժվածքը: «Իմ պայքարը» մի աղաղակող դոկումենտ է այն մասին, թե ինչ որակի է հասել կապիտալիստական իդեոլոգիան Ֆիլսոֆի և Հեգելի երկրում:

Այդ գիրքը գրելիս՝ հիվանդ ուղեղի տեր մանիակ Հիտլերն աչքի առաջ է ունեցել հոգնած, դիմադրությունից զուրկ մարդկանց: Իդուր չէ, որ ելնելով իր փորձից, նա խորհուրդ է տալիս իր համհաբղներին՝ ճառերով հանդես գալ հասարակության առաջ միայն այն ժամանակ, երբ մոլթն ընկած է: Չէ՞ որ ցերեկով մարդկանց միտքը դեռ թարմ է, նրանք հեշտությամբ չեն ենթարկվում ամբոխավարական հիպնոսին և իրենց հարցերով շփոթեցնում են Ֆաշիստ հռետորին:

Հիտլերի «գիտությունը», նրա սոցիալական «անալիզի», «խորհրդածությունների» ելակետը տխրահռչակ ռասայական «թեորիան» է: Սա է այն մոգական գավազանը, որով նա ձեռնածություններ է անում իր բանդիտական լաբորատորիայի գաղտնիքները բաց անելիս:

Որպես սպեկուլյանտ, նա ձեռք է բերել այն ապրանքը, որի վաճա-

ոռամից մաքսիմալ շահ պիտի ունենա: Չկա մի այլ ունակցիոն «թեորիա», որից ավելի շատ մարդակերական հետևություններ արված լինեն, որքան այդ աշպես կոչված ռասայական թեորիայից: Սրանով էին պատճառաբանում իմպերիալիստական քաղաքագետները և նրանց «գիտնական» դամբաշները այն ամեն տեսակի վայրագություններն ու սրիկայությունները, որոնց ղոհ էր դառնում գաղութային երկրների բազմամիլիոն աշխատավորությունը: Նրա մեջ էին ամենից ցայտուն կերպով ի հայտ գալիս մոնոպոլիստական կապիտալի շրջանում բուրժուական իդեոլոգիաների սանձարձակ շովինիզմը և հակառակորդին ոչնչացնելու քարոզը: Այդ «թեորիան» սիրով որդեգրեցին ֆաշիստական դահապետները, նա ամենից հարմարն էր իրենց գազանային հակուձևերը հիմնավորելու, իրենց բանդիտական քաղաքականության էությունը դրսևորելու տեսակետից: Նրանք ավելի համարձակ, ավելի ստահակ եզրակացություններ արին այդ «թեորիայից», ավելի բարձրաձայն և մերկապարանոց հայտարարեցին այն, ինչի մասին իրենց նախորդները խոհեմություն էին համարում լռել կամ միայն ակնարկել: Բանդիտներն սպիտակ ձեռնոցներով չմոտեցան ռասայական «գիտությունը», նրանք գնահատեցին նրա անմիջական ուտիլիտար «արժեքը»:

Իր «Տեսականների ծագման» մեջ Դարվինը արժարժում է կենդանական աշխարհում անընդհատորեն տեղի ունեցող գոյության կռիվ խնդրը: Մեծ բնադետի այս կարևորագույն թեզը, որը կիրառվում է բիոլոգիայի բնագավառում, համապատասխան կերպով «օգտագործեցին» մտքի մի շարք շառլատաններ, կապիտալիզմի ապոլոգետներ: Մարդկային հասարակությունը նույն կենդանական աշխարհն է, մարդկությունը բաժանված է տարրեր տեսականների — ռասաների, որոնք նույն անվախճան պայքարն են մղում իրար դեմ՝ հայտարարեցին նոր «գիտություն» զինակիրները:

Նույն Դարվինի ուսմունքի անկյունաքարը կազմող մի քանի կատեգորիաները — բնական ընտրություն, ժառանգականություն և այլն, մեխանիկորեն տեղափոխելով հասարակական կյանքի բնագավառը, ֆինանսական կապիտալի այդ մունետիկներն ամենաուղեկցիոն եզրակացությունների հանգեցին, արդարացնելով և գովերգելով կապիտալիստական սիստեմի բոլոր զազրեկի արտահայտություններն ու հետևանքները:

Այդ մարդակեր ուսմունքի «առաքյալները» պղծեցին և նոր գիտություն՝ գենետիկան. գեն և այլ հասկացությունները դարձնելով մետաֆիզիկական կատեգորիաներ, նրանք «թեորիական» հիմնավորում արվին ֆաշիստական ապադա հրեշավոր պրակտիկային՝ «եմվենիկայի» և նրա ման այլ բնագավառներում: Այդ բոլորին զուգահեռ ամենացինիկ, ամենասանձարձակ կերպով խարդախելով կոլտուրայի պատմությունը, ակնհայտորեն կեղծելով հանրածանոթ փաստերը, նրանք ուզում էին «ապացուցել», որ մարդկության բոլոր հանճարներն ուղղակի կամ անուղղակի «հյուսիսային գերմանական ռասայից» են սերում:

Հիտլերը որդեգրեց այդ ուսմունքը և ֆաշիստական տրամաբանությունամբ հաբդարած, հրամքեց իր հոգևոր հոտին: Այդ «թեորիան» չի հոգնեցնում ուղեղը, չափազանց դյուրամբռնելի է նա: Այդ «թեորիայով» հնարավոր է մի ժամում գիտնական դառնալ, նա ոչինչ չի բացատրում, որովհետև ամեն

ինչ է բացատրում, ամեն ինչ այլանդակում, աղճատում, նենգափոխում: Հիսկերը դեն է ձգում այդ «թեորիայի» գեղեցիկ և ֆրադեոլոգիան — ինչ-քը չի հասնում, սաղական էլ չէ մերկապարանոց սրիկային — նա շարադրում է «գիտնականների նվաճումների» հեշտացրած վարիանտը:

Ի՞նչ է հայտարարում այդ բանդիտ-«սոցիոլոգը»: Մարդկային հասարակության պատմությունը տարբեր ռասաների պայքարի պատմությունն է: Գոյություն ունեն բարձր և ցածր, լիարժեք և թերարժեք ռասաներ: Ամենաբարձր, լիարժեք, ազնիվ ռասան — դա զերմանական ռասան է: Այդ ռասան է, որ ստեղծել է բոլոր կուլտուրական արժեքները: Գերմանական ռասան, որ կոչված է իշխելու բոլոր ռասաների վրա, նա է, որ պետք է հրամայի, մյուսները պետք է ենթարկվեն: Գերմանական ռասան պետք է պահպանի իր արյան մաքրությունը, ամենամեծ հանցանք է կատարում ամեն մի գերմանացի, զերմանուհի խառնելով իր ազնիվ արյունը ստորարժեք ռասայի ներկայացուցիչների արյան հետ: Այդ ռասայի արյան զտությունը անխախտ կպահի նրա հոգեկան բարձրորակ հատկանիշները, հակումները: Այս է բացահայտ մարդակերությունը երկար շաղակրատանքի կարճ իմաստը:

Դահճապետն այստեղ ևս ամբողջաբարություն է զբաղվում: «զուտ գերմանական ռասայի» ներկայացուցիչներ նա համարում է իրեն և իր բանգիտներին, իսկ գերմանական ժողովուրդին վերաբերվում է ծայրահեղ արհամարհանքով: Իզուր չէ նա հայտնել, թե՛ «մասսան նման է անասունի, որը հետևում է իր ինստինկտներին և հաշվի չի առնում տրամաբանությունն ու խոհականությունը»:

Դեռևս վիլհելմյան ժամանակաշրջանի մի շարք լիբերալ գիտնականներ արհամարհանքով և հեգնանքով էին խոսում ռասայական «թեորիայի» մասին: Նրանք ուժեղ, բայց, իհարկե, ոչ հետևողական քննադատություն էին ենթարկում Ամմոններին և Գյունտերների կեղծ ուսմունքը: Հանրածանոթ ճշմարտություն է, որ մարդկային հասարակության պատմության որոշ շրջանից սկսած՝ զուտ ռասայի գոյությունը մի միջ է, որ ստեղծել են գլխավորապես գերմանական ռեակցիոն անտրոպոլոգները, որոնցից շատերը իրենք էլ ներքուստ համոզված էին իրենց «թեորիայի» խարդախ և ստահող լինելու մեջ: Նույնքան հանրածանոթ է և այն ճշմարտությունը, որ այսպես կոչված հյուսիսային գերմանական կապտաշյա, շիկահեր, երկարագլուխ զուտ ռասա գոյություն չի ունեցել և չունի: Բոլորին էլ հայտնի է, որ այժմյան գերմանացիների երակներում բաղմաթիվ, իրարից էթնիկապես աարբեր, ժողովուրդների արյուն է հոսում:

Գիտության հեա փոքր ի շատե կապ ունեցող ամեն մի բիոլոգ, հոգեբան և սոցիոլոգ գիտե, որ խոսել ռասայական մնայուն հոգեկան հատկանիշների մասին, նշանակում է շանտաժով զբաղվել, ռեակցիոն հեքիաթներ պատմել:

Այդպիսի մի շանտաժիստ է և Հիտլերը, որը ռասայական «թեորիան» գործադրելով իր՝ վարձկանի պարտքերը հատուցելու նպատակով, «նպատակով» մթնոլորտ է ստեղծում նրանով: Թե որքան լուրջ է ընդունում այդ սողունը գերմանական «ազնիվ» ռասայի և մյուս «ցածրարժեք» ռասաների մասին իր վայրահաջ շաղակրատանքը, ապացուցում է այն փաստը, որ հե-

տաղալու, երբ յապոնական սամուրայները ֆաշիստական Գերմանիայի դաշնակիցը դարձան, նրանք ֆաշիստ «գիտնականների» կողմից հռչակվեցին «արևելյան պրոլետարիներ», «ազնիվ ռասայի արևելյան վարիանտ» և այլ նման «կոմպլիմենտներով»։ Մինչդեռ Մյունխենի լանդսկնեխտը յապոնացիներին համարելով ոչ լիակատար մարդիկ, արհամարհանքով դրում էր նրանց մասին. «Եթե մի ըուպե ենթադրենք, որ Ամերիկան և Եվրոպան կործանվել են, ապա Յապոնիայի արդի կուլտուրական զարգացումը կանգ կառնի և նա նորից իրենից կընկնի այն քնեածուծության մեջ, որից նրան 70 տարի առաջ արթնացրեց արիական կուլտուրական ալիքը»։

Գերմանական ֆաշիստական իր «թեորիայի» արդյունքը ցանկանում է ստանալ՝ կիրառելով այն առաջին հերթին հրեաների վերաբերմամբ։ Անտիսեմիտիզմը հիմարների սոցիալիզմ է, սիրում էր ասել ծերուկ Բերկլը։ Ֆաշիստ մարդակերների պարագլուխ Հիտլերի հրեակերությունն անցնում է հիմարության սահմաններից։ Նա խելագարի բանդալուշանքներ է շաղակրատում, երբ խոսք է բաց անում հրեաների մասին։

Այդ ղեկներատն առանց ծխածածկոցի է դրսևորում իր գաղափարները՝ հակուսները, միջնադարյան մոտեցումները, երբ «քննարկում է» հրեական «հարցը»։

Կոնկուրենցիայի մեջ պարտված գերմանացի նացիոնալիստ խանութպանի մաղձն ու թույնը, իրենց բթամտությունը քողարկել ցանկացող «արիացի» պրոֆեսորների ու պրիվատ-գոցենտների կատաղի նախանձը, որոշ կարգի գերմանացի անհաջող բժիշկների, փաստաբանների, դերասանների, երգիչների և այլն իրենց ախոյաններից ազատագրվելու տենչը միախառնվում են հիտլերյան անտիսեմիտիզմի մեջ և ստանում լրիվ արտահայտություն։

Կառավարության գլուխ անցնելով՝ ֆաշիստ մարդակերն սկսեց կատաղորեն կիրառել իր «թեորիական պրինցիպները», բարբարոս սպառնալիքները։ Սև-հարյուրյակային պոզրոմները մանկական խաղ են համեմատած այն շարժերի հետ, որ ֆաշիստները կազմակերպեցին Գերմանիայում հրեաների վերաբերմամբ։ Տասնյակ հազարավոր հրեաների ամենաճիվաղային տանջանքների ենթարկելով՝ ոչնչացրին, մնացածներին հասցրին պարիայի աստիճանին։

Հիտլերյան բանդիտիզմն այժմ լայն «գործունեություն» դաշտ է գտել Լեհաստանում, Հարավսլավիայում և այլուր իր հրեաջինջ քաղաքականության համար։ Վարչավայում և Լոձում հրեական թաղամասեր են ստեղծվել, որոնք պատած են փշալարերով. հրեա ապաքախտ ժողովուրդը ենթարկված է դանդաղ ֆիզիկական մահացման։

Ճիվաղ Հիտլերը համոզմունքներ, պրինցիպներ չունի։ Համոզմունքներ և պրինցիպներ ունեցող մարդիկ չեն կարող գոյություն ունենալ ֆաշիստ բանդիտների շարքերում։ Նա սիկոֆանտ է, ծախված գրչակ, մարդված բանդիտապետ, որն արհամարհում է պրինցիպներ ունեցող մարդկանց, հիմար ու միամիտ համարելով նրանց։ Սուտն ու զրպարտությունն են նրա ղենքերը, նա ցանկանում է միայն իր հետեից գնացող մասսային, որն այլ կերպ չպետք է մտածի, քան իր հիվանդ ուղեղի թելադրած հրահանգներով։

ուցուցումներով: Նա հրամայում է ջարդել ու փշրել այլ կերպ մտածողներին: Տրամաբանությունյան վերջին ֆուրքերը կորցրած այդ ճիվաղը «Իմ պայքարի» մեջ սրտախառնություն պատճառող ամբոխավարություններ ուղղում է ապացուցել այն, ինչին ինքն էլ չի հավատում:

Գերմանիայում ութ հարյուր հազար հրեա կար, որի մի չնչին տոկոսն էր պատկանում շահագործող դասակարգին: Այդ փուլի չէ Հիտլերին: Իր կեղտոտ գրքի էջերը նա լցնում է զրպարտություններ ու խարդախություններով, որպեսզի «ապացուցի», թե գերմանական ժողովրդի տնտեսական ծանր վիճակի պատճառն առաջին հերթին գերմանական հրեաներն են: Ըստ Հիտլերի՝ նրանք միացել են աշխարհիս բոլոր հրեաների հետ և մտադրվել քայքայել Գերմանիան, ոչնչացնել նրա կենսական ուժերը: Իհարկե, նա խորշում է վիճակագրական տեղեկություններից, փաստական տվյալներից: Նա «գործի» է դրել միայն ռասայական «թեորիան» և իր քաղաքական մարդակեր դառանցանքները: Ձեռները կանխած՝ բաղարում առևտուր անող կնոջ պես՝ նա սիրում է իր հակառակորդին միայն հայհոյել, զրպարտել, սպառնալ:

Աջակցեցե՛ք ինձ,—գիմում է նա իր կողմնակիցներին և հիմարացրածներին,—որ ես կառավարություն գլուխ անցնեմ և այն ժամանակ կտեսնենք, թե ինչպես կերջանկացնեմ գերմանական ժողովրդին: Հրեական ունիվերսիտետները ոչնչացնելով՝ ես հնարավորություն կտամ տասնյակ հազարավոր իսկական գերմանացի առևտրականներին նորից վերակենդան իրենց ձեռնարկությունները: Հրեա ընդհանրին, փաստաբաններին, գիտնականներին, առևտրականներին, դերասաններին և այլն ճգմելով՝ ես լայն դռներ բաց կանեմ իսկական գերմանական ինտելիգենցիայի առաջ՝ արդյունավետ աշխատանքի անցնելու: Այսպես էր ամբոխավարում երկված ժողովրդը:

Որ գերմանական բոլոր հրեաները կապիտալիստներ չեն, այդ ոչ միայն Հիտլերը գիտեր, այլև վերջին մանուկը. որ գերմանացի գործարանատերերն ու ֆաբրիկանտները, ածխահորերի տերերը ճիշտ այնպես են շահագործում գերմանացի և հրեա բանվորներին, ինչպես հրեա կապիտալիստները, այդ ևս անհայտ չպետք է լիներ Հիտլերին. որ հրեաները Գերմանիայում միայն կրոնական համայնք էին կազմում և հրեական «տենդենցներ» չէին հետապնդում ու ներգրավված էին ընդհանուր գերմանական սոցիալական կյանքի մեջ, այդ ևս գիտերին Հիտլերն ու իր արբանյակները: Այդ այդպես լինելով հանդերձ՝ օրեր-բանդիտը խարում ու զրպարտում էր, որովհետև պարարտ հող էր գտել իր զօրության մախինացիաների համար և համապատասխան դիմադրություն չէր ստանում իր «մշակման» ենթակա մասսայից: Ընդհակառակը, որքան ավելի շատ էր եռանդագործում ֆաշիստ ամբոխավարը, այնքան ավելի էր խորանում ու ընդարձակվում իր ազդեցությունն այդ ամբոխի վրա: Անտիսեմիտիզմը գերմանական ֆաշիզմի համար այն կոյուղիներից մեկն է, որի մեջ հավաքվում էին գերմանական ռեակցիոն բուրժուազիայի քաղաքական միտքն ու տրամադրությունները: Ինքը՝ Հիտլերը գլխավոր ճարտարապետն է այդ կոյուղու, որը նա կառուցում է ռասայական «թեորիայի» ցուցումների համաձայն:

Բոլոր հրեաներին շահագործող դարձնելով՝ Հիտլերն աշխատում է

գրգռել «խսկական գերմանացի մարդկանց» զազանային ինստինկտները: «Իմ պայքարը» կոչված աղբակուլտի էջերից նա անյուր հայհոյանքներ ու զրպարտություններ է շարտում մեծատաղանդ հրեա ժողովրդի հասցեին: Հիտլերի հավաքական հրեան անազնվության ու ստորաքարշության, խարդախության և նենգության, խորամանկության ու բարոյական անմաքրության մարմնավորումն է: Որտեղից է վերցրել նա այդ «հրեային»: Հարկավոր չէ հեռու գնալ, այդ ամենը նա գտել ու դիտել է իր մեջ և իր նմանների շրջանում: Կեղծիք կատարելով՝ նա իր հատկությունները վերագրում է ուրիշին: Միջնադարյան հետտոյի այդ երկրպագուն, իսպանական ինկվիզիցիայի այդ սիրահարը քրեական հանցավոր է համարում ամեն մի հրեայի և կոչ անում ոչնչացնել «գերմանականության այդ երդվյալ թշնամիներին»: Ամբողջ աշխարհը գիտե, թե ով է քրեական հանցագործի կլապիկ տիպը, իսկ գերմանական ժողովուրդը վաղուց ի վեր զգացել ու հասկացել է, թե ով է իր արյունարբու երդվյալ թշնամին:

Ֆաշիստական ավազակապետը ռասայական «թեորիան» օգտագործում է ոչ միայն գերմանական հրեաներին ոչնչացնելու պրոպոկացիոն ագիտացիայի համար, այլև գերմանական բանվոր դասակարգի կոմունիստական պարտիայի դեմ արշավանք կազմակերպելու նպատակով: Իր սահմանափակ ռեզերվով նա ըմբռնում է, որ գերմանական բանվոր դասակարգը բնավ էլ տրամադիր չէ ականջ դնելու իր ռասայական շահակրատանքներին, որ ֆաշիզմի միակ պրինցիպային հետևողական թշնամին—դա Կոմունիստական պարտիան է: Չնայած իր թերուս լինելուն, նա այստեղից-այնտեղից լսել ու կարդացել է, որ այդ պարտիան ղեկավարվում է Մարքսի-Լենինի ուսմունքով: Պարզ է, թե այդ կրեպինը ինչպիսի ահռելի կատաղությամբ, ինչպիսի անզուսպ ատելությամբ պիտի վերաբերվեր դեպի իր մահացու թշնամին:

Նա տեսնում էր, թե ինչպես գերմանական բանվոր դասակարգի ամենաառույգ, ռևոլյուցիոն տարրերն անցնում են Կոմունիստական պարտիայի կողմը, թե ինչպես գերմանական բանվոր դասակարգի լայն շերտերի համակրանքն օրեցօր աճում էր դեպի այդ պարտիան: Այդ հանգամանքը մտահոգություն էր պատճառում Հիտլերին և նրա տերերին: Նրանք գիտեին, որ Կոմունիստական պարտիան—դա սոցիալ-ֆաշիզմը չէր. վերջինս զաղտնի աջակցում էր Մյունխենի հրոսակապետին և միայն, բանվորներին ձեռքից բաց չթողնելու համար, երբեմն առերես մի քանի թթու խոսքեր էր ասում ֆաշիզմի հասցեին: Իր տերերից ստացած փողերով կազմակերպված գրոհային ջոկատները Հիտլերն օգտագործում էր բանդիտական հարձակումներ կազմակերպելով բանվորների, բանվորական կազմակերպությունների վրա: Բայց այդ չի բավարարում ֆաշիստապետին, նա ցանկանում է բանվոր դասակարգին հաշվածել նաև թեորիայի բնագավառում, նա իրեն խնդիր է առաջադրում «թեորիապես» հիմնավորել բանվոր դասակարգի վերաբերմամբ կատարած իր բանդիտական խժդժությունները, մոնոպոլիստական կապիտալի վարձու զրհակն ու ագիտատորը փորձում է իր ուժերը մարք-

սիզմի «քննադատութեան» մեջ: Եթե բուրժուական պրոֆեսորները այդ գործին ձեռնարկելիս հիմարութեամբ ու տխմարութեամբ էին ասում, նրանք, համենայն դեպս, պարտք էին համարում կարգալ, յուրովի ուսումնասիրել մարքսիզմի կլասիկներին և ապա դուրս գալ պայքարի դաշտը: Հիտլերն իսպառ գերծ է այդ «նախապաշարումից», նա երբեք չի կարդացել Մարքսին—ոչ ժամանակ է ունեցել, ոչ էլ խելքն է հասել—ինչ կարիք կա գլուխ ցավեցնելու, երբ գոյութիւն ունի ամենափրկիչ ռասայական «թեորիան», այսպես էր մտածում մտքից տկար հրոսակապետը և անցնում «գործի»:

Դասակարգ, դասակարգային կռիւ հասկացութեանները—գա հրեաների կողմից է ստեղծված. հրեա Մարքսն է հնարել այդ բոլորը—հրեաներին օգնելու և գերմանացիներին ֆուսելու նպատակով: Իրոք, գոյութիւն ունի միայն անընդհատ կռիւ ռասաների միջև —ահա գարեջրատնային «սոցիալիզմ» կատեգորիկ հայտարարութեանը: Սա է ֆինանսական կապիտալի վերջին խոսքը: Իդեական կրախն ակներև է. դժվար թե կարելի լինի երևակայել մի ավելի հիմար գարշելիութեան և գարշելի հիմարութեան, քան թե հիվանդ ուղեղի այս տխմար գառանցանքը:

Հոկտեմբերյան ռեւոլյուցիան Ռուսաստանում, Նոյեմբերյան ռեւոլյուցիան Գերմանիայում, Բավարական Սովետական իշխանութեանը—դրանք բոլորը հրեաների—մարքսիստների չարագործութեան արդյունք են,—հայտնում է պողոտային գործերի վարպետը: «Իսկական գերմանացի մարդը» երբեք ռեւոլյուցիոն շարժման կողմնակից լինել չի կարող, նրա արյունը կրողքի ռեւոլյուցիայի դեմ: Գերմանացի բանվորները մոլորվել են, ընկել են հրեաների—մարքսիստների ազդեցութեան տակ: Մենք պետք է օգնենք նրանց, որ ազատագրվեն մարքսիզմի լծից: Ով կգիտակցի, որ ինքը սխալվել է և կանցնի մեր կողմը, մենք նրան կներենք, իսկ ով դավաճանել է և շարունակում է դավաճանել գերմանականութեանը և անուղղելի է, մենք նրան կոչնչացնենք: Այսպես էր սպառնում դարչնագույն տանը նստած դահիճը:

«Իսկական գերմանական մարդկանց» սրտից էր խոսում նրանց առաջնորդը: Հիտլերի այս դրույթներով ոգեւորվում էին բոլոր նրանք, ովքեր գերմանական ռեակցիայի կողմնակիցներ էին, ովքեր դողում էին սոցիալիստական ռեւոլյուցիայի հեռանկարներից, ովքեր կառչում էին հին Գերմանիայի «արժեքներին» և ձգտում վերականգնել նրա կորցրած ռազմաշունչ, միլիտարիստական ուժը՝ «հին փառավոր պլանները» ի կատար ածելու համար:

Բյուրեղանում էին գերմանական հասարակական երկու բանակ — ֆաշիստական և պրոֆաշիստական միասնական ճակատին՝ իրերի բնական ընթացքով՝ հակադրվում էր ռեւոլյուցիոն, հակաֆաշիստական բանակը: Բոլոր նրանք՝ բանվոր, գյուղացի, ինտելիգենտ՝ ովքեր զգում էին վերահաս վտանգը, ովքեր ցանկանում էին դեմ առնել ֆաշիստական կեղտոտ ալիքին և բարձր պահել դեմոկրատական Գերմանիայի դրոշը, լցված էին կատաղի ատելութեամբ դեպի կապիտալի անարգ վարձկանները, մարտական արամադրութեամբ էին տոգորված սվաստիկայի կրողների դեմ:

1933 թվին կառավարութեան ղեկը տվին Հիտլերին, և նա պետութեան

անունից իրագործեց «Իմ պայքարի» մեջ ձևակերպած իր սպառնալիքները։ Հիտլերը պետական բանդիտիզմ էր նախապատրաստում։ Զարգաբարձությունը սկսեց կիրառվել ֆաշիստական պետության օրգանների կողմից։ Գետապոն ոչնչացրեց գերմանական բանվորության բոլոր կազմակերպությունները։ Արյունոտ տեռորը մոլեգնում էր ամբողջ երկրում։ Ֆաշիզմը կացնով գլխատեց և կոնցենտրացիոն լագերներում ոչնչացրեց բանվոր դասակարգի ընտիր մասը, ձեռնամուխ եղավ բանվորական երիտասարդ սերնդի քաղաքական ու մտավոր անբարոյականացման, այլասերման ծրագիրն ի կատար ածելուն։

Ռուրի մագնատները և պրուսական կալվածատերերը հիմա կարող էին հանգիստ լինել, իրենց վարձկանը և հովանավորյալը հաջող կատարեց իր գերը։

Գարեջրատների հեռորը, րավարական ոստիկանության ագենտ-պրովոկատորը, գերմանական կանցլեր դառնալով, «խաղաղացրեց» երկիրը և սկսեց ֆաշիստական արտաքին քաղաքականության ծրագրի իրականացման միջոցները նախապատրաստել։ Հուրը և սոռը կորոշեն գերմանական «ազնիվ» ռասայի րախտը, անհրաժեշտ է ոչնչացնել Գերմանիայի թշնամի—բոլոր երկրների հրեականությունը—մարքսիզմը։ Սա է պետական օբեր-դահճի նշանարանը։ Ամեն ինչ պատերազմի համար, յուրաքանչյուր գերմանացի ղուդատ սլիտի դառնա «ազնիվ ռասայի» սլատմական ծրագիրն իրականացնելու համար, Գերմանիան կոչված է բոլորին հրամայելու, օտարը գոմաղը է գերմանական դաշտերը պարարտացնելու համար։ Այս շովինիստական խելակորույս մեծագերմանականության մտայնությունը պարտադիր է երրորդ իմպերիայի քաղաքացիների համար։

Արտաքին քաղաքական խնդիրներով էլ է զբաղվում գետապոնի ոգեվորիչ Հիտլերը «Իմ պայքարը» վիժվածքի մեջ։ Ինչպես բոլոր մյուս հարցերի պրինցիպալին կողմը լուծելիս նա գողությունաբ է զբաղվում՝ ուրիշների ասածը հարմարեցնելով իր «ստեղծագործական» կարողություններին և փողոցի ճաշակին, այնպես էլ արտաքին քաղաքականության խնդիրները «շոշափելիս» նա վառող չի հնարում, այլ կրկնում է վիլհելմյան որոշ գեներալների և քաղաքագետների նվաճողական ծրագրի հիմնական կետերը։ Տարբերությունը մի պրուսական սուղաֆոն Հոֆմանի և բանդիտ Հիտլերի միջև այն է, որ առաջինը հարցին մոտենում է ավելի շուտ որպես զինվորական, երկրորդը բաց է անում բոլոր փակագծերը և երկրներ զավթելու, ժողովուրդներ ստրկացնելու, կոլտուրա ոչնչացնելու քաղաքականության «իդեոլոգիական հիմնավորումը» տալիս։

Հիտլերի ցինիզմը, անսքող ավազակային ձգտումներն այստեղ ավելի ուելֆ են դրսևորվում։ Նա ընթերցողի առաջ բաց է անում մի ամբողջ բանդիտական ծրագրի ուղն ու ծուծը։ Գրավիր, զավթիր, կողոպտիր, թալանիր, բռնաբարիր, փշրիր, ջարդիր, օտարը քո ստրուկն է, դու նրա տերը, — այսպես է հրամայում Հիտլերը «ազնիվ ռասայի» երկոտանի գազաններին։ Ֆաշիստ բորենին գովերգ է կարդում ռասայական, այսինքն իմպերիալիստական, շովինիզմին և հպարտանում, որ ինքը այդ «գովելի» մտայնության մոենտիկներից մեկն է։ Նա ծաղրում, միամիտ, շաղակրատ է անվանում

այն մարդկանց, որոնք մարդկային սրբազան իրավունքի մասին են խոսում կամ հօգուտ մանր ազգերի ձայն բարձրացնում: Կա միայն մի իրավունք, — «ազնիվ գերմանական ուսսայի» իրավունքը, մյուսներն արժանի չեն իրավունք ունենալու — ահա հիտլերյան գազանային տրամաբանությունը:

«Բարու և չարի սահմաններից դուրս» պիտի լինի քո կատարած գործողությունների արժեքը, դու բարոյական ոչ մի չափանիշ չպետք է ունենաս, բացի նրանից, որ ուրիշները քեզ համար պատվանդան լինեն, որի վրա կանգնած՝ դու կարողանաս բարձրանալ — այսպես է գիմում իր երևակայական գերմարդուն ռեակցիոն փիլիսոփա Նիցշեն: Բանաստեղծական քողի տակ պարուրված այս նշանաբանը, ինչպես հայտնի է, գերմանական յունկերներն ընդունեցին իրենց համար չափած ու ձևած, և իրավունք էլ ունեին այդպես ըմբռնելու, քանի որ փիլիսոփան իր պոետական բարձունքներից իջնելով՝ իր ձեռք նրանց պիտի մեկներ: Նիցշեի բավարական գործակատար Հիտլերի աչքում հնացած է նրա պաթետիկ պատկերավորությունը, նրա բարձր ոլորտում սավառնելը, Հիտլերը ցանկանում է պրոգայի սահմաններում մնալ և պրակտիկ քաղաքականությունը զբաղվել, իր սոցիալական «միսիայի» բնույթը հարկադրում է նրան նախորոշ նախապատրաստական աշխատանք տանել: Նա միստիֆիկացնում է բոլոր ռեալ հարաբերությունները, սիրով օպերացիաներ է կատարում «առողջ ինստիտուտներ», «ընտրյալ ռասա», «համաշխարհային հրեականություն», և այլ նման կատեգորիաներով և հեծած իր վայրագ ռասայական «թերթիայի» նոտային, հրահանգներ է տալիս պատմությունը՝ այնպես շարժվելու, ինչպես ինքն է ցանկանում: Նա զուգ է տալիս իր հիվանդոտ երևակայությունը և ապագայի հրապուրիչ պատկերներ ստեղծում:

Մոնոպոլիստական կապիտալի վարձկանն այստեղ ևս աշխատում է քողարկել իր իսկական «կոչումը», իր ձգտումների էությունը: Իր ջարդարժարժաղաքական ծրագիրը ընդունելի դարձնելու նպատակով՝ նա, որպես հղկված ամբոխաժողովրդ, անհրաժեշտ է համարում խոսել գերմանական ժողովրդի կարիքների մասին և իրեն այդ ժողովրդի բարեկամի, նրա ցավերի կարեկցողի գերում հանդես բերել:

Ռասայական «հիմնավորման» համապատասխան դոգան շաղակրատելուց հետո, կրուպներ և կլեկներների հավատարիմ գյաղան սկսում է պրոգայիկ լեզվով բարբառել: Նա դիմում է մի արգումենտացիայի, որը նմանապես նորություն չի ներկայացնում և բազմիցս կրկնվել է այն բոլոր «գերմանական գործի փաստաբանների» կողմից, որոնք քողարկված կամ անսքող ձևակերպել են գերմանական իմպերիալիզմի ձգտումները:

Սկսած գերմանական կոնսերվատորներից, մինչև սոցիալ-ֆաշիստները պակտս չեն եղել ծառայական քաղաքագետներ, որոնք կոչ են արել „Drang nach Osten“ — «ձգտում դեպի արևելք»: Հիտլերը տարբերվում է զրանից ոչ այնքան իր արգումենտացիայով, որքան իր մերկապարանոց ցինիզմով, այն, ինչ իր նախորդներն ասել են հաճախ ակնարկներով, նա հայտնում է պարզ ու մեկին, այն, ինչ ուրիշներն աշխատել են պատճառաբանել բարձր

«խղետուգիական» միջոցներով, նա ձևակերպում է ռասայական ծխածածկոցի տակ:

Ո՛րն է դեպի արևելք գրոհելու այդ ծրագիրը: Գերմանական տերիտորիան չափազանց նեղ է գերմանացիներին կերակրելու համար: 20 միլիոն գերմանացի ավելորդ են իրենց երկրի մեջ, նրանք պետք է արտագաղթեն, որ մյուսների համար ավելի լայն տեղ բացվի: Գերմանիան պետք է ընդարձակի իր տերիտորիան: Նոր տերիտորիան կարելի է գրավել միայն պատերազմի միջոցով, ուստի պետք է նախապատրաստել այն. Գերմանիան պետք է մի մեծ զորանոց դառնա: Այդ տերիտորիան Գերմանիան պետք է նվաճի ոչ թե հարավում, կամ արևմուտքում, այլ արևելքում:

«Դժ պայքարը» մարդատյաց գրքույկի մեջ Հիտլերը գրել է. «Որոշելով նոր հողեր ձեռք բերել նվրդալայում, մենք կկարողանայինք այն ստանալ ընդհանուր առմամբ միայն Ռուսաստանի հաշվին: Նվ այս դեպքում մենք պետք է որ գոտեպնդվե՞նք առաջ շարժվենք նույն ճանապարհով, որով մի ժամանակ գնացել են մեր օրդենների ասպետները... Նրը մենք խոսում ենք նվրդալայում նոր հողեր նվաճելու մասին, մենք, իհարկե, կարող ենք նկատի ունենալ առաջին հերթին միայն Ռուսաստանը և նրան ենթակա ծայրագույն պետությունները»:

Ահա այդ թալանի և կողոպուտի ծրագրի պարունակությունը և «հիմնադրումը»:

Հիտլերի նախորդներն իրենց ծրագիրը հղացել էին այն ժամանակ, երբ իշխում էր ցարիզմը: Հիտլերը կրկնում էր նրանց, երբ մեր լայնածավալ երկրում հաստատվել էր Սովետական իշխանությունը:

Այդ հանգամանքը դուրացնում է Հիտլերի «գործը»: Նա կարող է ավելի «ծանրակշիռ արգումենտներ բերել» իսկական գերմանական մարդկանց մտայնությունը մշակելու կապակցությամբ: Բավարական չինովնիկի և պրուսական բթամիտ յունկերի տրամաբանությամբ նա գրի է առնում իր խորհրդածությունները—Արևելքում բոլշևիկների իշխանությունն է, բոլշևիկները նույն հրեաները—մարքսիստներն են: Բոլշևիկյան ոգին բոլոր երկրների հրեականության ձգտումների արտահայտությունն է: Հին Ռուսաստանի պետականության կազմակերպողները և հիմքը գերմանացիներն էին, հիմա նրանք չկան, այդ երկրում այլևս պետականություն չկա: Հարկավոր է ոչնչացնել բոլշևիզմը Ռուսաստանում, վերականգնել գերմանական իշխանությունը, իսկ Ռուսաստանի արգավանդ հողերի վրա բնակեցնել գերմանացիներ:

Ֆաշիստական բանդիտապետը կաննիբալական պար է բռնում, երբ խոսք է ըստ անում սլավոնների, մասնավորապես ռուսների մասին: Ահա թե ինչ «մտքեր» է հայտնում նա. «Եթե մենք ցանկանում ենք ստեղծել մեր գերմանական մեծ իմպերիան, պետք է նախ և առաջ դուրս մղենք և ոչնչացնենք սլավոնական ժողովուրդներին—ռուսներին, լեհերին, չեխներին, սլովակներին, բուլղարներին, ուկրաինացիներին, բելոռուսներին: Ոչ մի պատճառ չկա այդ շանկրու: Բոհեմիայի և Մորավիայի ավազանները, Գերմանիայից անմիջապես արևելք ընկած տերիտորիան կգաղութացվեն գերմանացիներով, իսկ այդ տերիտորիայի բնակչությունը մենք կըջենք Սիբիր: Այդ նպատակն

իրագործելու համար ես չեմ վարանի և ոչ մի վայրկյան իմ խղճին ընդունելու երկու կամ երեք միլիոն գերմանացիների մահը: Մենք մտածում ենք հաստատել մեր մշտական տիրապետությունը և այնպես ամրապնդել այն, որ նա առնվազն մի հազար տարի տևի: Մեր միսիան այն է, որ հպատակեցնենք ուրիշ ժողովուրդներ: Գերմանական ժողովուրդը կոչված է աշխարհին նոր տիրակալների մի դասակարգ տալու»:

Բավական պարզ և հստակ է հայտարարում բանդիտն իր վայրագ տխմարությունները և մարդակեր ձգտումները: Այս մագործի մտայնությունը կերակրվել է «իսկական գերմանական պատմարանների» բրոշյուրներով, ավստրիական քրիստոնեական սոցիալիզմի խոհանոցում պատրաստված հոտած կարկանդակներով, բուրժուական պրովոկացիոն հեռագրական գործակալություն մատուցած «բագերով»: Նրա քաղաքական մտքի օրորոցի վրա դայակություն են արել ռասայական «թեորիայի» բաճկոն հագած գազանները, գարեջրից ուռած պանգերմանիստ սև հարյուրակայինները, պրուսական «տրադիցիաների» ջերմ երկրպագուներ Լյուդենգոֆներն ու Հոֆմանները: Նրան ոգևորել ու նեցուկ են հանդիսացել բավարական կուլակների լակոտները, արյունոտ շուն Նոսկեի և էրհարդի բանդիտները: Նրան օրինակ է ծառայել եզվիտականությունը և մաքիավելիզմը:

Բանգիտ հեղինակը չվարձատրված չմնաց: 1933 թվին նրան Բիսմարկի բաղկաթոն առաջարկեց գերմանական ամենակատաղի ռեակցիան, նրան վահանի վրա բարձրացրին գերմանական իմպերիալիզմի աշխարհակալական ձգտումների «հերոսները», ռազմական մատակարարությունը գեշեֆտ անելու ախորժակ ունեցողները:

Հիտլերը ձեռնարկեց նրանց ծրագիրն ի կատար ածելու: Այսօր ամբողջ Եվրոպայի ժողովուրդները հեծում են ֆաշիզմի արյունոտ կրունկի տակ, «ռասայական» թեորիան իր օրգիաներն է սարքել, ավերն ու կոտորածը, թալանն ու կողոպուտը ֆաշիստ-բանդիտները Գերմանիայից տեղափոխել են ուրիշ երկրներ:

Այսօր Հիտլերն իր արշավանքն է սկսել Արևելքի, մեր երկրի, բուշիզմի դեմ: Բայց նա սխալվել է իր հաշիվների մեջ, դա նրա վերջին ջղային ցնցումներն են. նրա ատամները կջարդվեն Սովետական զրահից:

Որքան էլ նա վայրահաջի գերմանական ժողովրդի անունից, այդ ժողովուրդը, որին նա ստրկացրել է, նրա հետևը չի կանգնած: «Ժողովրդի աջակցությունը» նա պետք է հանի իր բառարանից:

Ֆաշիզմը դատապարտված է պատմության կողմից, մեծ կլինի դերմանական և եվրոպական ժողովուրդների ցասումը: Հիտլերն իր հորդաները նետեց մեր երկրի վրա, դա բանդիտիզմ-ֆաշիզմի վերջին ավանտյուրան կլինի: Նրա բանակը հարձակվել է սովետական մեծ ժողովրդի բանակի վրա, որն իր հերոսական մեծ կռիվն է մղում գլուխը կորցրած հրոսակապետի բանակների դեմ:

«Նամիայն երկու բանակների միջև մղվող պատերազմ չէ: Նա միաժամանակ ամբողջ սովետական ժողովրդի մեծ պատերազմն է գերմանա-ֆաշիստական զորքերի դեմ: Ֆաշիստական կեղեքիչների դեմ մղվող համա-ժողովրդական այս հայրենական պատերազմի նպատակն է ոչ միայն վերաց-

Նեւ մեր երկրի վրա կախված վտանգը, այլև օգնել Եվրոպայի բոլոր ժողովուրդներին, որոնք հեծում են գերմանական ֆաշիզմի լծի տակ։ Այո ազատագրական պատերազմում մենք մենակ չենք լինի։ Այս մեծ պատերազմում մենք հավատարիմ դաշնակիցներ կունենանք, հանձինս Եվրոպայի և Ամերիկայի ժողովուրդների, այդ թվում ի դեմս գերմանական ժողովրդի, որին ստրկացրել են հիտլերյան պարագլուխները»։ Այդպես ասաց սովետական ժողովրդի սիրելի առաջնորդն իր պատմական կոչի մեջ։ Ընկեր Ստալինի հետ միասին սովետական երկու հարյուր միլիոնանոց ժողովուրդը և ամբողջ աշխարհի ազատատենչ մարդիկ համողված են, որ հիտլերյան բանակները կջարդվեն Կարմիր Բանակի հռժկու հարվածների տակ։

Կատաղած շանը ոչնչացնում են. ֆաշիզմը կոչնչանա։ Մեր գործն արդար է, մենք կհաղթանակենք։

8 հուլիսի 1941 թ.

Երևան